

JAVNO PREDUZEĆE «VODOVOD I KANALIZACIJA» d.o.o.
ZENICA
Direktor preduzeća

Broj: 101.- 13.249/15 HH
Zenica, 18.09.2015. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716- 13.247-1/15 HH od 18.09.2015.godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o zaključivanju okvirnog sporazuma sa jednim ponuđačem u postupku nabavke cijevi za vodu (PEHD, PP-r, pocinčane, čelične) i kanalizaciju (PVC i PEHD) i fazonskih komada

I

Usvaja se Zapisnik o ocjeni ponuda sa preporukom za dodjelu ugovora za javnu nabavku broj: 716- 13.248/15 HH od 18.09.2015. godine u postupku dodjele ugovora za nabavku cijevi za vodu (PEHD, PP-r, pocinčane, čelične) i kanalizaciju (PVC i PEHD) i fazonskih komada, i prihvata se preporuka Komisije za nabavke, da se okvirni sporazum zaključi sa ponuđačem:

TOPLOTA d.o.o. Zenica,

kao najbolje ocjenjenom ponuđaču

prema ponudi protokoliranoj pod brojem: 716-12.102/15 od 27.08.2015. godine, za ponuđenu cijenu sa popustom (8%) bez uračunatog PDV-a u iznosi 97.825,96 KM.

II

Prijedlog okvirnog sporazuma dostavit će se na potpis izabranom ponuđaču Toplota d.o.o. Zenica, nakon isteka roka od 15 dana, računajući od dana kada su svi ponuđači obavješteni o izboru najpovoljnije ponude .

III

Za izvršenje ove odluke zadužuje se Komisija za nabavke.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-10.994/15 HK od 05.08.2015.godine.

Javna nabavka je provedena putem otvorenog postupka za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 100.000,00 KM.

Dana 06.08.2015. godine na Portalu javnih nabavki, istovremeno sa objavljivanjem obavještenja o nabavci broj: 439-1-1-238-3-37/15 objavljena je i tenderska dokumentacija.

Rok za dostavu ponuda je bio 27.08.2015. godine do 11:00 sati, a otvaranje ponuda isti dan u 14:20 sati.

Na osnovu Izvještaja o preuzimanju tenderske dokumentacije od strane ponuđača od 27.08.2015. godine u 14:50., utvrđeno je da su sa Portala javnih nabavki, u skladu sa članom 9. stav 5. Uputstva

o dopunama Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "E-nabavke" ("Službeni glasnik BiH", broj: 53 od 06.07.2015. godine), tendersku dokumentaciju preuzeli sljedeći ponuđači:

1. HIDRO-TERMO CENTAR d.o.o. Sarajevo
2. VODOSKOK d.o.o. Tomislavgrad
3. Ventcommerce d.o.o. Sarajevo
4. DIT D.O.O. Tuzla
5. PEŠTAN d.o.o. Trn – Laktaši
6. INTER –COM d.o.o. Zenica
7. Bosnaplast d.o.o. Sarajevo
8. MIPEX AUTO RS d.o.o.
9. TOPLOTA d.o.o. Zenica

Komisija za nabavku imenovana je Odlukom broj:101- 5.157 /15 MS od 07.04.2015. godine.

Komisija za nabavku je dana 18.09.2015. godine direktoru preduzeća dostavila Zapisnik o ocjeni ponuda broj: 716-13.248/15 HH od 18.09.2015. godine i preporuku o izboru najpovoljnijeg ponuđača broj:716- 13.247 -1/15 HH od 18.09.2015. godine, u postupku javne nabavke cijevi za vodu (PEHD, PP-r, pocinčane čelične) i kanalizaciju (PVC I PEHD) i fazonskih komada.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno preuzeto 9 (devet) tenderske dokumentacije od strane ponuđača sa Portala javnih nabavki.

Nakon ocjene ponuda Komisija je sačinila Zapisnik o ocjeni ponuda broj: 716-13.248/15 HH od 18.09.2015. godine, u kojem je konstatovano da je Komisija, uvidom u priloženu dokumentaciju i suštinskom provjerom sadržaja i validnosti dokumentacije, utvrdila da ponuđač Vodoskop d.o.o. Tomislavgrad nije dostavio ekonomski (računski) i tehnički zadovoljavajuću ponudu.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila da ponuda ponuđača Vodoskop d.o.o. Tomislavgrad sadrži nedostatke iz člana 68. stav 4. tačke i. i g. Zakona o javnim nabavkama i to:

- Dana 10.09.2015.godine Komisija je dopisom broj:716-12.666/15 BS poslala zahtjev za prihvatanje ispravke računске greške za nabavku cijevi za vodu (PEHD, PP-r, pocinčane,čelične) i kanalizaciju (PVC i PEHD) i fazonskih komada od ponuđača Vodoskop d.o.o. Tomislavgrad. Naime, pregledom ANEKS 2 – Obrazac za cijenu ponude za nabavku cijevi za vodu (PEHD, PP-r, pocinčane,čelične) i kanalizaciju (PVC i PEHD) i fazonskih komada, Komisija je konstatovala računsku grešku. Uočeno je odstupanje u ukupnoj vrijednosti stavke. Ukupna vrijednost u ponudi ponuđača Vodoskop d.o.o.Tomislavgrad, iznosi 98.975,60 KM bez PDV-a (slovima: devedesetosamhiljadadevetstotinasedamdesetpet 60/100 KM bez PDV-a), a računskom provjerom ukupna vrijednost iznosi 98.993,85 KM bez PDV-a (slovima: devedesetosamhiljadadevetstotinadevedesettri 85/100 KM bez PDV-a).

Traženo pojašnjenje (saglasnost) na ispravku ukupne vrijednosti ponude nije dostavljeno do određenog roka (17.09.2015. godine do 14,00 sati).

- Također, navedeni ponuđač nije na kopijama kataloga tačno naznačio stavku koju nudi.

Ponuđač Toplota d.o.o. Zenica je dostavio formalno-pravno i tehnički zadovoljavajuću ponudu te je ista prihvatljiva za ugovorni organ i može biti predmet ocjene shodno utvrđenom kriteriju.

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „najniža cijena“, Komisija izvršila ocjenu prihvatljive ponude kako slijedi TOPLOTA d.o.o. Zenica sa ukupnom cijenom sa popustom ponude od 97.825,96 KM bez uračunatog PDV-a, te dala preporuku da se okvirni sporazum zaključi sa najuspješnijim ponuđačem TOPLOTA d.o.o. Zenica na period od 12 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



Direktor

Kahriman Ekrem, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1x Komercijalna služba
- 3 x Članovima Komisije
- 1 x Sekretar Komisije
- 1 x a/a